


ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՈՍՏԻԿԱՆՈՒԹՅԱՆ ՀԱՄԱԿԱՐԳԻ
ՁԵՐԲԱԿԱԼՎԱԾ ԱՆՁԱՆՑ ՊԱՇԵԼՈՒ ՎԱՅՐԵՐՈՒՄ ՎԵՐԱՀՍԿՈՂՈՒԹՅՈՒՆ
ԻՐԱԿԱՆԱՑՆՈՂ ՀԱՍԱՐԱԿԱԿԱՆ ԴԻՏՈՐԴԱԿԱՆ ԽՈՒՄԲ


№ 2621/1606

03.02.2016թվ.



ՀՀ ոստիկանության պետ,
գեներալ-լեյտենանտ
պարոն Վ. Գասպարյանին

Հարգելի պարոն Գասպարյան,



Սույն թվականի հունվարի 30-ին, Դիտորդական խումբը այցելություն կատարելով ՀՀ ոստիկանության Երևան քաղաքի վարչության Երևանի ՁՊՎ, արձանագրել է երկու զլոբալ հիմնախնդիր՝ կապված ՁՊՎ-ում պահվող անձանց իրավունքների հետ:

Վերջին երեք այցելությունների ընթացքում Դիտորդական խմբի անդամները, մեկուսի հանդիպելով ՁՊՎ-ում պահվող անձանց հետ, պարզել է, որ նշված անձիք ամբողջությամբ չեն տիրապետում իրենց իրավունքներին, որ վարչակազմի կողմից չի իրագրվում իրավունքների մասին, և վարչակազմը դա օգտագործում է ի շահ իր ծառայության:

1. Ինչպես նախորդ այցելություններին, այնպես էլ տվյալ այցելության ընթացքում, ձերբակալվածները հայտնեցին Դիտորդական խմբին, որ ցանկացել են լոգանք ընդունել, բայց վարչակազմի կողմից հնչել է մեկնաբանություն, որ իրավունք չունեն: Ավելացնենք, որ որևէ անձի անուն չնշելը պայմանավորված է անձին չվնասելու սկզբունքով:
2. Հաջորդիվ ներկայացվող հիմնախնդիրը վերջին մի քանի այցելության ընթացքում Դիտորդական խումբը բազմիցս է արձանագրել, սակայն այցելության պահին ՁՊՎ-ում պահվող Ս.Ա.Կ-ն հայտնեց, որ <<29.01.2016թ-ին հերթապահ ոստիկանը իրեն է ներկայացրել մոր տիկին Ա.Գ.-ի անձնագիրը՝ ճանաչման, հանձնուք ընդունելու նպատակով: Ես հաստատեցի, որ դա մայրս է, խնդիր չկա, և ցանկացա տեսակցել մորս հետ, բայց ինձ ոստիկանը պարզաբանեց, որ պետք տեղում չէ, հիմա հնարավոր չէ այն իրականացնել>>:


Հավելենք, որ նշված տեսակցության վերաբերյալ առաջարկություն կատարել էր նաև մայրը՝ տիկին Ա. Գ.-ն, ով նշեց, որ «իրեն չեն մերժել, կրկին նշել են, որ պետք տեղում չէ և ներկայիս պահին հնարավոր չէ կազմակերպել»:

Ներկայացված երկու դեպքն էլ, ըստ Դիտորդական խմբի, մտահոգիչ են և կրում են պարբերական բնույթ, որովհետև նմանատիպ փաստեր բազմիցս են արձանագրվել:

Այսպիսով, խնդրում ենք ուսումնասիրել ներկայացված փաստերը և միջոցներ ձեռնարկել բրանց ուղղությամբ:

Հարգանքներով՝

ՀՀ ոստիկանության համակարգի ձերբակալված անձանց պահելու վայրերում վերահսկողություն իրականացնող հասարակական Դիտորդական խմբի նախագահ՝



Հ. Սահակյան

Հարգանքներով՝

ՀՀ ոստիկանության համակարգի ձերբակալված անձանց պահելու վայրերում վերահսկողություն իրականացնող հասարակական Դիտորդական խմբի նախագահ՝



Հ. Սահակյան



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՈՍՏԻԿԱՆՈՒԹՅԱՆ ՇՏԱԲ

375025, ք. Երևան, Նալբանդյան 130 հեռ. 59-65-94

N 2/2-1- 621

<<22> 02 2016թ.

Ձեր 03.02.2016թ. թիվ 2621/1606 գր.

«Ն ոստիկանության համակարգի ձերբակալվածներին պահելու վայրերում վերահսկողություն իրականացնող հասարակական դիտորդների խմբի նախագահ Հասմիկ Սահակյանին

Հարգելի տիկին Սահակյան

Հայտնվում է, որ դիտորդների խմբի կողմից ս/թ հունվարի 30-ին ոստիկանության Երևան քաղաքի վարչության ՁՊՎ կատարած այցելության ընթացքում արձանագրված հանգամանքները ուսումնասիրվել են «Ն ոստիկանության շտաբում, իսկ Երևան քաղաքի վարչության կողմից կատարվել է ստուգում, որի արդյունքներով տրվում են ներքոշարադրյալ մեկնաբանությունները:

Ինչպես «Ն ոստիկանության մարզային վարչությունների ենթակա ստորաբաժանումների, այնպես էլ Երևան քաղաքի վարչության ՁՊՎ-ում վարչակազմի կողմից ՁՊՎ ընդունվող ձերբակալվածներին ծանուցվում է իրենց իրավունքների ու պարտականությունների մասին, ինչը «Ն կառավարության 05.06.2008թ. թիվ 574-Ն որոշմամբ հաստատված ««Ն ոստիկանության համակարգում գործող ձերբակալվածներին պահելու վայրերի ներքին կանոնակարգ»-ով սահմանված ձև 19 տեղեկանքով հաստատում է ձերբակալվածը իր ստորագրությամբ: Բացի այդ, ինչպես արդեն տեղեկացվել է դիտորդների խմբին, «Ն ոստիկանության ստորաբաժանումներում ձերբակալվածների իրավունքների պաշտպանությունն ավելի արդյունավետ դարձնելու, վերջիններիս և նրանց հարազատների իրազեկվածությունը բարձրացնելու նպատակով «Ն ոստիկանության շտաբի հերթապահ ծառայության վարչությունում մշակվել է իրավական ակտերից կազմված պաստառներ, որոնցում արտացոլված են ձերբակալման կարգը, ՁՊՎ ընդունելու հիմքերը, ՁՊՎ-ում պահվող անձանց իրավունքները և պարտականությունները: Նշված պաստառները տրամադրվել են «Ն ոստիկանության Երևան քաղաքի և մարզային վարչություններին, որոնք փակցվել են ինչպես տարածքային ստորաբաժանումների նախասրահներում, այնպես էլ ՁՊՎ-ների խցերում:

1. Ձերբակալվածների կողմից դիտորդների խմբին արված այն հայտարարությունը, որ իբր իրենք ցանկացել են լուզանք ընդունել, իսկ ՁՊՎ վարչակազմը մերժել է՝ մեկնաբանելով, որ այդ իրավունքը իրենք չունեն, չի համապատասխանում իրականությանը: Ոստիկանության Երևան

քաղաքի վարչության ՁՊՎ-ն ապահովված է մշտական տաք և սառը ջրով: Ձերբակալվածների կողմից լոգանք ընդունելու ցանկության դեպքում նրանց տրվում է այդ հնարավորությունը:

Դիտորդների խմբի այցելության օրը ՁՊՎ-ում գտնվել են երեք ձերբակալվածներ, որոնք լոգանք ընդունելու մասին ցանկություն չեն հայտնել:

2. Ձերբակալված Ս.Կ-ի մայրը՝ Ա.Գ-ն 29.01.2016թ. հանձնուք է բերել ՁՊՎ, որը սահմանված կարգով ընդունվել և տրվել է ձերբակալվածին: Այդ օրը տեսակցություն տրամադրելու վերաբերյալ Ա.Գ-ն ՁՊՎ-ի ղեկավարությանը չի դիմել, սակայն դիտորդների խմբին հայտնել է, որ իրեն տեսակցություն չի տրամադրվել ՁՊՎ-ի պետի բացակայության պատճառով: Հարկ է նշել, որ ՁՊՎ-ի պետի բացակայության ընթացքում նրան վերապահված պարտականությունները կատարում է նրա տեղակալներից որևէ մեկը և այդ հանգամանքը չի կարող ՁՊՎ-ի բնականոն գործունեության խաթարման պատճառ հանդիսանալ:

Միաժամանակ հայտնվում է, որ Ա.Գ-ն տեսակցության տրամադրման վերաբերյալ ՁՊՎ-ի ղեկավարությանը դիմել է միայն 30.01.2016թ. և նույն օրը, նրանից ընդունվել է գրավոր դիմում ու սահմանված կարգով տրամադրվել է տեսակցություն:

ՀՀ ոստիկանության շտաբ